

影印
文淵閣

四庫全書

影印

文淵閣四庫全書

第一三三二冊

北京出版集團公司
北京出版社

本冊目次

西河集(二)

清 毛奇齡撰……………一

欽定四庫全書

集部
西河集卷八十四至

評校官編修_臣曹城
助教_臣常循覆勘

總校官庶吉士_臣倉聖脉
校對官編修_臣閔惇大
謄錄監生_臣陳 藻

欽定四庫全書

西河集卷八十四

翰林院檢討毛奇齡撰

墓碑銘一

故明大學士前兵部職方司郎中歷九江道僉

事孫公墓碑銘

順治三年

王師下浙東職方孫公以抗戰不勝蹈海死時海未

欽定四庫全書

西河集
卷八十四

靖未能浮海而問所殮也越二十八年康熙乙丑

天子命諸旂渡海剿彭湖通寇盡翦撲而版畫之于是寧

波上下初界于海今皆入附而比于藩落公孫監州君踰

海尋公死所得公揭櫓于滄洲之間遂啟櫓以歸而葬之

燭湖燭湖者公里也先是公入解知縣梁佳植夢公坐上

有狀元額而公當兒時屢夢狀元與之遊私喜自負謂先

達自忠烈公後有解元會元而無狀元即從曾祖榜眼耳

應待已以具其數而既而不驗及監州乞銘自言啟櫓時

有張信墓在櫟傍蓋有明開國登殿試第一而葬于滄洲者也然則公之死豈偶然矣公諱嘉績字碩膚浙之餘姚人自五始祖燧以右都御史巡撫江西死宸濠之難追贈禮部尚書賜諡忠烈而名臣代興高祖塤尚寶司卿與兄都督堪弟禮部尚書謚文恪陞皆以孝稱于是塤所生者為上林苑監鰲與太子太保吏部尚書謚清簡鑪南京禮部侍郎鉉太僕寺卿銓太子少保南京兵部尚書鑛實兄弟行也鰲生如游少保文淵閣大學

欽定四庫全書

西河集
卷八十四

三

士謚文恭是惟公祖時公之從祖尚有光祿寺卿如法池州府知府如洵皆以名進士蟬聯而起而如游生應本工部郎中應本生公公以崇禎丁丑進士授南工部主事改遷兵部職方司郎中方是時以氣節見每立朝剛果不阿不附其于大事喜負荷無瞻顧意己卯五月烈皇帝知其才召對觀德殿詢武庫軍器大司馬口塞不能對公一一指陳上悅賜綵繒二匹糴一盤公跪謝食糴竟敕再賜再食之捧繒而出會高太監起潛乞世

蔭公格勿與起潛怒上方閱尺籍起潛假以隙中公遽下公獄時黃公道周以廷諍予杖救獄吏屏一切服御意叵測公推己所有處事之且從而受易政府楊嗣昌指為黨取同獄黃文煥文震亨等雜治之詞連及公公叩首抗言曰昔夏侯勝在獄中受經于黃霸不以為罪獨奈何寬仁之朝而苛乃出漢世下大司寇忠襄徐公故知公遂出公于獄而轉薦之已而起為九江道僉事命未下國變公狼倉歸里不自量與鄉官熊汝霖破產

欽定四庫全書

西河集
卷八十四

三

括閭左揭竿稱孫熊兵會故魯國避紹興拜公左僉都御史進大學士劃江而保者凡一年力竭不能支且天命有歸江枯

王師渡公遜之滄洲怵懾嘔血遂不起公以順治三年六月二十四日卒距生萬曆三十二年九月十四日享年四十有四配陳氏封夫人子延齡中書舍人孫六長訥州同知即葬公者次訓次諤次誠諸生次謚次詮因系之曰

古族氏稱金張惟世德表與楊三公禪皆貞良盟王府紀太常國恩在誰報將公之興以職方斥閹豎清軍防繒賜綵經受黃用未既國已創傾大厦扶修宋雖昧時不自量謂車轢可臂當顧其心猶可諒鹿逐秦犬吠唐聖浩蕩能恕狂不觀漢釋蒯通乃數盡孤臣亡蹈海死亦可傷彼殛者洲之傍所與居殿首張翳鬼物知興喪今來歸瘞舊疆燭湖水何泱泱公之魂翔以翔但假此留公忠

欽定四庫全書

西河集
卷八十四

四

故明戶部尚書原任廣東布政使司左布政使

姜公墓碑銘

公姜氏諱一洪字開初其先餘姚人曾祖工部公遷餘姚之南城祖行太僕公以他嗣徙杭州歸宗而父光祿公由曹郎出為知府贈光祿寺卿移家會稽至公兄大宗伯即以會稽通仕籍焉公二十三歲登萬歷丙辰進士越三年辛酉謁選請就教職因以武學教授遷南國子監博士陞南禮部主事調南吏部考功司郎中皆聞

曹與同官魏仲雪申青門為文酒會三君皆丙辰釋褐

且同以學博起家今又同部好之自稱曰南銓三友已而改江西副使分守九江道駐節饒陽當是時海內眷眷所在徵民兵加餼凡銳意功名者率以揚厲擊斷催科督役為能事而公獨捐去苛細一切以寬簡治之令有司從尚德教察鄉民孝弟力田者核其實府縣敦促赴道治次第立堦下公乃出廳事降階勞問資金帛獎厲鄉民入城觀無不相勸為良民者弟饒俗多溺女女

欽定四庫全書

西河集
卷八十四

五

少士民或中年不得配又惑于形家言停舊木不葬下令溺女與殺子同律停舊木者與暴棺棄屍者同律里隣不舉坐居三年大治乃遷河南禹州分巡道右叅政值霖雨河決民大飢流賊犯隣郡飢民多揭竿應者縣捕之急遁逃滿道路公曰此良民也飢不得食故為盜耳奈何復驅之速罷諸捕卒設法以賑民稍稍還里賊逼葉縣及鄆陵見所在有備不得入于是賊帥老回回分犯河北巡撫知公能應變以軍事屬公公乃遣老弱

張幟分布要害而自將捕卒千人前行賊訶知公能舍

之去會巡撫樊公以艱報將舉公自代公已遷福建按

察使閩吏習輟緩公一以勤慎自持八屬肅然凡滯獄

疑讞立為之決囹圄皆清遂遷廣東右布政司使故事

布政惟左筦賦稅右第伴食徒無清軍名無職掌粵襲

承平久軍丁多為諸司所役凡衛所存空牒給餼而已

公力清核得千餘人別立隊伍訓練以待用既而進左

粵素饒沃而布政又財賦所自出公準量平衡約受裕

欽定四庫全書

西河集
卷八十四

六

與却羨而塞耗官吏輸餉者朝至夕發完納甲諸省入

覲舉廉卓會推虔撫以政府格之不行前後在粵凡八

年歷丁丑庚戌兩薦至壬午撫按竝疏舉奉旨候京卿

缺推用值艱歸甲申國變江南柄用者推公太僕卿不

赴會唐王入閩僭位號公亡從之連進吏部右侍郎戶

部尚書是時國家方南闢閩所賦者悉鄭氏所有獨雲

貴廣西諸道賦裁足給軍唐王仰賴惟廣東一區而虔

撫復便宜截留之版圖所計雖尚及七省而司農無一

錢公措置盡心力恐民匱遷延間值

王師踰浙唐王使鄭氏守關自將兵三千從延平移之

汀州命公前行峙糗糧以俟而仙霞兵潰唐王走公四

顧無所得馬初坐肩輿行既而散去徒步次興國榔木

村去贛百餘里時相隨止二僕枵腹足盡裂公仰天嘆

曰嗟乎天意有在雖偷生何為矣遂赴水死時丙戌十

一月六日諸生鍾國士見而哀之與榔木菴僧了緣為

含殮如禮越一年公二子南奔得公殮因載歸葬故阡

欽定四庫全書

西河集
卷八十四

七

而屬予以銘公長身白皙廣額秀眉為人簡重有德量

或以非意相干未嘗小怒至大義所在淵停嶽立有確

乎不可拔者言不妄發發必婉而中見事敏而慮事密

艱巨不沮至瑣細亦未嘗厭薄故所至不動聲色而事

事就理配王氏封夫人係舉人敎授鼎和公女男二長

天植貢生娶陳氏吏科給事中陞太常寺少卿襄範公

女次廷梧庠生娶祁氏巡撫蘇松殉難贈太傅兵部尚

書謚忠敏世培公女女二長適兵部尚書義雲王公子

貽模次適戶部尚書殉難贈太保禮部尚書謚文正鴻寶倪公子會鼎孫三長燦天植出次承燕廷梧出乃為銘曰

時天水後代為王臣徒席世寵誰報國恩謂當集菟而丁于屯何以自處惟有致身緬稽古昔殷有三仁大者遜荒小者臥薪雖昧時命未度周親其道固憤其心則純蜀之伯約思邁等倫惜乎其志田橫之島從者二人柳木之村彭咸若在相從水濱東海烏喙西山草根何欽定四庫全書
西河集
卷八十四
八

以招之南方之魂

教贈文林郎家明府君暨高孺人墓碑銘

予修明史作先忠襄傳嘆忠襄以死事崇祀嶺表且名其地為忠襄里報卹何厚然猶藉後人侍御恢大其祠而香山子姓有為茂才者復于明崇禎間訟所侵祠地給帖勒石後之有裨于先烈如是也既而

天子臨軒策士于天安門外見貢自香山者詢之則前訟祠者之孫也予方慰勞間而香山選人由舉人授丹

徒今以兄弟行來見且手狀再拜將表其先人之墓而

謁予以文子拜讀之始知向之訟祠者為予族父行而

對策者其孫謁選者即其子也夫子偶感其為人而其

子其孫一時竝見然則孝思之不置與情感之自通兩

有然矣公諱濬字孟深其先由浙人入湖從明開平王

定江西以世職調守廣東之香山縣至高祖茵尚以茂

才襲百戶職祖為封文林郎與父元鈺皆以茂才廩于

學而父有足疾公生純孝日侍父疾不出戶當五歲時

欽定四庫全書

西河集
卷八十四

九

能治母陳太君喪暨十五父亡公泣必見血每遇禁日

終其身易服而哭嘗以父在時疾不能赴讌會公亦遇

讌會不赴終其身公幼慧試童科冠軍其于諸歲類亦

然繼母麥太君生遺腹弟繼公撫之如父而身教之弟

亦慧每試與兄爭雄長且貢于廷而公益推甘與弟如

兒時顧公性狷介當明崇禎間從父可珍者浙令也行

取有名浙人多官粵者自方伯下以令故人人物色詣

公公不見即請召亦不往及身所受知當事自外臺迄

州縣皆重公索公竿牘不可得時公弟及公次子定周皆以文章知于時公各戒賊縮毋請謁嘗云生人惟躬行而已其次讀書外此非吾有也又云人自敬天念祖而外當約以持身寬以待物又云自重者無辱知畏者鮮禍憬省則寡過謙虛則受益以故鄉邑無賢愚皆稱長者里中有悍子迂逆公頻往諭之卒為孝子少嘗與隣人黃亦亨善亦亨子被賊鹵貧不能贖公亦貧賣宅傍菜園代贖之有先世所遺田庄數百年物也豪家忽

欽定四庫全書

西河集
卷八十四

佔去公不與爭獨訟其先世崇祀忠襄祠地被豪佔者閱州縣數年必請復乃已久之豪慙悔退還公嘗入山覓葬親地夜行多虎見前有光曜如燭導之數里及得路光滅人以為神所佑云公配高孺人高孺人者名家女也幼讀書能通女箴列女傳暨歸公與公合德宗黨多稱之順治九年山賊起破城殺官剽庫藏平南兵驟至巷戰孺人覘事迫恐及辱念所生女已適郡司馬蕭君子茂才而所居同里急呼女至衽衣顧宅傍井齊投

之男新周崇禎改元以茂才守忠襄祠者總城入覓母見母死亦慟哭而湛于水某月某日合兆于某山而表以碣康熙癸亥次男定周讀書碣定周順治丁酉科舉人即新授丹徒令者乃為詞曰

惟是懿哲先以峻行讀經談義曰惟方正孝乎惟孝友弟為政施之鄉邦必共與敬以是孚達早播桑梓比之王烈在孝弟里雖復文翰卓犖無比次仲書勢鴻鸞鵠時世所珍匿皆其技末獨此躬修如星如日言成標範

欽定四庫全書

西河集
卷八十四

行萃科律況當家庭皦皦大節中閨姱妬言容德紅披帷吟誦有林下風如何于毒與尤來通慨然致身瑩于寒冰所羨子女俱秉令教女既殉母子亦死孝盱江是浮汨羅可弔不媿忠烈世禪廟貌自古至德為表為箕誦芬揚駿俟之後時凡銘貞石汗簡之資繼為史者尚其思之

刑部廣西清吏司主事沈君墓碑銘

君典江南試撤棘招予于烏衣自言入衡鑑堂時見按

側賢書例鐫從前論秀名應手開揭則先王父王梁公
名籍出所揭版蓋故明萬歷丁酉以國子從應天榜入
解者既而飲于堂堂例題名列典試先後自本朝開科
逮今為一石植至公堂右而故明自洪武庚戌劉誠意
為主文官始迄崇禎壬午為一石植是堂側乃就坐仰
視則適刺萬歷甲子先外王父姜宗伯公名怵然動心
予生于甲子是年宗伯公適撒棘歸值子彌月已命有
名矣宗伯公曰以子聞中見是子非是名也因改今名

而英敏四歲就王父索一硯竒之弱冠餽于庠例諸生
補餼者輪年貢舉倣古者天子之制諸侯歲獻貢士于
天子謂之歲貢明初歲貢者為正途科目次之而其後
科目重而貢且輕也今三途並用貢所考選與科目無
異君猶不屑當貢及棄去援例入國子就北雍試一試
獲薦再試拔進士高等君素擅書法至是凡南宮主文
參詳小試官俱素聆君名且工書各屬意君擬廷對處
君及第而廷對卷偶誤墨不檢洗以容刀傳臚賜出身
拔授祕書院撰文中書舍人第一時新例以內閣親切
地勿用貲郎特選進士有才望者充之君首應是選會上
兩宮徽號貤贈遂以纂修
世祖章皇帝實錄充史館收掌官五年告成且開代紅
本悉經檢點賜金幣加級壬子典江南鄉試先是
天子念東閣制誥諸舍人橐筆勞苦當與簡主文官而是年
適纂修實錄有成効遣君遂用為例既而復命嘉其能
內轉乃以資格稍遷刑部廣西司主事君自文林君贈

君歷世鼎食少豪侈不檢揮金刀如流泉結納天下賢長者且游于聲伎後房充陳供具服食不能啗既仕而家產散落鬻所居廬為入官釜庾家如單寒而君不織悲芥蒂益刻苦自厲自國子就試暨入官九十年思還故鄉江南試事竣計去家千里而近撫環輒泣曰吾入都時親朋餞于郊且有贈以衣裝者今歸而無一錢為裸報資縱人不我責吾能惺然行鄉里間耶遂不歸君篤于友愛仲弟華善病貽書憂勞既招華江南同臥起

欽定四庫全書

西河集
卷八十四

十四

時友人毛姓在座比夜必飲飲必着曙向與姓飲家采山堂姓善歌君吹洞簫和之能曲折倚其聲至是置一笛比夜必數弄倚歌至一月乃罷嘗泣曰吾髮種種吾入長安後求兄弟友朋如此會鮮矣君好學尤好過人嘗與同郡徐緘張梯姜廷梧及毛姓為詩文角勝中秋夜苦吟作明河篇數千言輟筆而血嘔自太陵出漫銅盞臥病幾死比文戰不勝鍵戶揣摹有日者告星過癸卯後當不利君惡其語益發奮必以丙午售後入秘省

與同舍郎汪君相倡和爭去恒體今采山堂續集則當時所為詩也汪君嘗語君勤于醇應比辦事之暇有以詩字索者輒應不苟其主文時允退卷皆親閱至遷刑曹例以新遷者視獄畫簡因隸夜宿犴狴外三月而代名為提牢時朝審秋決諸重囚日未得蔽而滇閩適亂囚且溢獄君驅伍伯供隸事食寢不給會天寒囚饑貸錢市衣米散活瘼衆而君卒以是瘁死君嘗曰吾畏親獄少時過訟亭聞敲鼗聲輒驚悼累日夫以慎獄之人

欽定四庫全書

西河集
卷八十四

十五

而親獄宜其瘁也君所著采山堂詩集八卷續集十卷擬樂府一卷文一卷其試策雜文集不載銘曰謂才足恃科目以幾何為入官厄于曹司召公是似鄰家見奇惟生與死鏐院而知只憐官貪生不能歸死而憑者墓門之碑

西河集卷八十四

欽定四庫全書

西河集卷八十五

翰林院檢討毛奇齡撰

墓碑銘二

故明中憲大夫太常寺少卿兵科給事中來君墓

碑銘

君諱集之字元成曾祖日升以嘉靖甲午舉人官雲南師
宗州知州有文名而君繼之早歲通經稍長即能以詩古

欽定四庫全書

西河集
卷八十五

文詞爭雄藝林而阨于童試崇禎六年始以附學改學生
廩食高等八年禮臣請特科舉天下士每學取廩食高等
者設兩場試分經義論策硃其書與鄉試埒而君舉第一
貢之南京國子監領已卯鄉薦庚辰成進士時房官陳函
輝能文同房所收皆一時名下士聲大噪而館選數陞擠
之改南京安慶府推官會天下多故獻賊破斬黃流及旁
郡沿江烽火接安慶君力措柱之晝營儲峙夜率伍伯邏
雉堞間顧兵民雜糅楚師防江者駐安慶營日以蒭蕘不即

給糗糒闕然洶洶懷亂心而前後撫軍擁幕府自大鮮

所獻替君獨竭忠誠以告陰為調劑得遂所陳請以故

羈縻之雖賊三薄城而得以不壞方是時二京臺省聞

君名疏記其所為爭起薦之章凡十數上而畿輔踵寇

留不下乃以壬午鄉試克南京同考官薦戚藩等凡九

人平賊鎮帥者寧南侯左良玉也遇賊湖湘間不利且

匱餉大掠而東舳艫銜于江聲言勤王師所至謹諫不

可測君駕舟見良玉玉擁檣具躡展出接嘖嘖稱君為推

欽定四庫全書

西河集
卷八十五

官有名握手深結納由是下江悉無恙既而賊犯闕事

棘南京拒賊者取君為兵科君不就先是鳳督馬士英

以招永城賊募兵黔南道徽州兵饑剽食于婺源村民

民拒且鬪殺傷黔南兵士英大怒特檄君往治欲以亂

民律掩殺而君撫諭之覆言民殺劫人賊非殺兵無罪

宜勿問士英心恨之而外憚其直顧無如何也至是君

取召而士英方以故督入柄政反言君可用署以兵科

將欲收之為私人而君恥不附遽改兵科為兵部後以

他臣薦仍改兵科且並進太常少卿而

王師已南下矣初君父舜和公亦廩食于學課君及君弟于儻湖之濱君嘗過念之曰此先公授書處也至是髡髮匿湖濱以著書自娛購古今載籍弃其中日與客論文及古今興喪得失無近代掌故與夫身之所聞見者燃薪繼景娓娓不能已四方請教者踵趾相錯共稱為倘湖先生明制輕武士遇獸衣輒嫚易之視若蒯隸即季世用兵稍稍敢自桀而終壓于制不得遂方君為推官時安慶帥馬君投糧儲道以名刺以為鎮將與叅政可平行也叅政責易板不報既而叅政驟開府巡撫其地乃修宿憾將置帥于法而君力解之且薦用焉至是帥歸命略地江東

世祖皇帝嘉其能賜之以名且令提督江南兵開牙吳淞于是擇使拜書幣乞君況臨君以角巾往開轅迎君饗于堂膝地行酒臚列山海不可識人以為此國士之報云康熙十七年

上開博學鴻儒科召天下才學官人可備著作顧問之選者撫軍以君應君辭之且曰吾年七十餘已嫗矣尚能為成君作衣補耶康熙乙卯君自為誌銘以為他人莫能言且多諛也越八年壬戌君始卒又三年其四子燕雲以己酉舉人赴公車門值予直史館闔分明史文苑傳得君名已起草去燕雲適詣予具言竈門之石先公已自銘之矣惟是嘉懿未盡學者將勒文于饗醴之版比之顏光祿之碑靖節此非先生文不足重亦惟是先生與先公為忘年交文章親昵足徵信勿諛予曰諾又十年乃始為此君所著書目備載明史經籍志其在經曰讀易隅通曰易圖親見曰卦義一得曰春秋志在曰四傳權衡在籍曰倘湖文案曰南行偶筆曰南行載筆曰倘湖近刻曰倘湖詩餘在雜著曰樵書初編曰樵書二編曰茗餘錄君嘗曰讀易隅通者一隅之通也然予是時方嬰城藏燈木樵每從塹隅旁通之自為誌曰予所著有某書及雜劇之兩紗秋風三疊而已案兩紗

三疊史志皆不載以雜劇故也顧予知君事君以崇禎己巳赴童試縣斥之粘其文于門庚午再試再斥之然而府試拔第一時年二十七始附學于是作兩紗劇一紅紗謂以紗幃目昧五色也一碧紗則紗蒙其舊所為詩貴與賤易觀也夫通塞之難憑如此子六人皆以文名具劉氏補誌茲不載銘曰

君功在一方而名垂四涯其文可傳者則藏之倘湖之湄誌而銘君自為之遺言軼事不可既于是乎有墓旁

欽定四庫全書

西河集
卷八十五

五

之碑然而遲之以至于今日非諛墓辭

汪贈君墓碑銘

汪贈君以康熙改元之一十有四捐館舍去予方赴徵車未皇弔也越明年予以史局留京師又十年告歸始與贈君之子游嘗從舊文社祭酒在先朝訂交若柴君虎臣陳君際叔輩藉藉稱贈君為人時用知物善推有以益所無與貧賢者往來不私其居出物鮮留吝而終以不匱今其人不可見矣而善子繼之見其子則一如

見贈君焉以故子與贈君之子交稍通即予身所遇偶為他誤亦嘗藉贈君之子以補饒其間予因而好之乃

距告歸又十年而後以修贈君墓謁予為碑予何敢辭

予按贈君狀知贈君生于前朝萬歷之三十六年當崇

禎改元海颶發三日東洋水高挾陂塘而奔而上江蜃

蟄四起澤洞之出山者灌漑而下山海相搏擊氍浮蔽

江會贈君齋載歸駕所乘舟率長年拯溺每拯一人則

量棄所載懼不容也及拯滿而載已盡暨十三年秋旱

欽定四庫全書

西河集
卷八十五

六

蟲南飛斗米五百錢冬大厲贈君賑以糜凡執厲來者

悉納之或以傳厲告君不應乃飢活而厲亦無恙當是

時國運方百六天變日至父老嘗言辰水辰旱土敗而

民散則以洛水當戊辰而蟲在庚辰予少每聞之而怵

予心也然而天有災人則弭之國固不可支而閭里草

莽乃先荒而依維之自明亂以後贈君每于故交之貧

者倍相周卹家人戚友凡有婚嫁死喪者求即應之里

中寒士每歲除各贈以卒歲之貲如恒課然雖歷久不

已夫天地生財莫之短長然而人每生于贏而死于絀當夫五金在地過而勿視而一經筐篋則遂資之為口體服食舟車棟宇之具乃其贏者嘗至揮棄而不足者銖銖焉此在平成俱有之而喪亂尤甚幸而挾詩書作長吏可矯語廉節陰相撚取而戶牖之子家室單弱歲時無以給祭祀進釀修艇每不足以自通彼夫豪奢之俗冬食萍薤晦布星月一飯十金猶歎于茹啖而有如儋石不克暫假升斗即以此摩腹而有餘是升斗之惠

欽定四庫全書

西河集
卷八十五

五

既豐于德而又不嗇於所藏斯進可逮物而退亦自臧乃通財化幣而推恩于鄉邦使閭里貧乏雖居亂而不及于荒則凡少丁百六長罹更革者而聞其言而不能相忘是君雖在地而其可傳者仍在人也曰君何嘗亡

徵士徐君墓碑銘

欽定四庫全書

西河集
卷八十五

八

君仲山諱咸清上虞下管村徐氏歷世以科目為京朝官祖諱隣萬曆壬午舉人僦居會稽父大司馬諱人龍與伯父諱宗孺同母兄弟同登萬曆丙辰榜進士伯父還下管而司馬公留會稽之稽山門家焉君生而慧一歲識字五歲通一經甫蓄髮即能以官監生應鄉舉入場有文章名仲商夫人者大冢宰商公諱周祚女也國色與女兄蘇松巡撫祁公夫人俱能詩近世能詩家呼為伯仲商夫人冢宰公還朝值司馬公以副都御史巡撫山東見君子官署而愛之許為婚姻會國變司馬公以大司農起用被召中道旋返破產與兩浙巡撫黃鳴俊募閭左勤王不利南都建號者仍以公與馬士英同

掌本兵而公怒却之提一旅歸與故總兵官王之仁屯之西陵名西陵軍

王師下江東西陵軍潰司馬公踉蹌走海上家人東西竄暨稍定而君方重病且以國難遘家難意托落無生人趣及行嘉會禮却扇驟見商夫人大驚曰吾以是為王霸妻足矣乃就故居稽山門辟寢前廣庭構以藥欄設長筵當中發故所藏書散採之而對坐縱觀暇則抽牘各為詩如有年天台老尼從萬年來遙望見夫人

欽定四庫全書

西湖集
卷八十五

九

合掌曰此妙色身如來也蓮花化生相好光明既而咄喏曰善持之善持之幾見曼陀長人間耶于是君與夫人約請各為課程吾當著一書銷此白日而子且從老尼請發願寫妙蓮花經三部以延其年何如夫人然之乃復自揣著何書吾研練經術久矣請合并羣籍而正定之以勒取其意與事之裨世用者筮之得屯之五曰小貞吉大貞凶曰猶之屯爾寧為其小者而已于是著小學一書博取揚雄訓纂許叔重說文以及梁顧野王

玉篇并後儒川篇篇海諸書以正字形取陸法言切韻孫愐唐韻暨宋祥符景祐間廣韻集韻諸書以正字聲

而于是縱考十三經子史文集暨漢唐宋元諸大小篇帖凡有繫于釋文者悲旁搜博採以正字義自一畫以至多畫分若干字合若干卷名之曰資治文字而夫人齋蔬性不喜肉食至是斷之日給粥一瓷酪一瓷金菊湯一瓷焚香滌指以辰申二時寫梵頁三番計三部合計所寫字二十萬八千有贏凡三年寫成會廣孝禪寺

欽定四庫全書

西湖集
卷八十五

十

大殿工竣三目尊者君方外友也率僧衆披衣拜于庭乞施二部去供其一于殿極覺間周以朱水函而梵結之使風雨蟲鼠俱不得蝕而納其一于毘盧遮那世尊腹中綴以金銀寶珠而窳以錦絃撾鼓集大眾宣揚之其餘一部則送之天台萬年龍藏中以老尼從萬年來也康熙十七年

上開制科令京朝內外各舉郡縣有才學而堪與試者道撫爭薦君君辭不得遂赴京先是閣中判詞頭照前

代典例多用查議查覆諸字而高陽相公精字學謂字書無查字縱有之不作察解此必原判是察字而此無入聲呼察聲如查故訛查耳訛字何可用因啟奏

御前凡判詞查字俱改察字然終不解查與察沿訛之始至是應制科者紛紛至每至必合數十人謁相公門下君進謁高陽相公徐詢曰察聲訛查有始乎在坐無對者君逡巡曰漢書貨殖傳有之顧查為在聲之訛非察聲訛也高陽矍然曰何言之曰古在本察字爾雅曰

欽定四庫全書

西河集
卷八十五

十一

在察也堯典在璿璣玉衡以齊七政是也第三聲呼在為查以查與槎同漢書貨殖傳山不在槩即槎槩也而字乃從草而諧以在聲故在聲為槎槎轉為查則是查者在聲之轉也猶之在之又轉而為裁為財也若曰察之轉則是乂也差也察豈能轉查乎高陽遽色變乃復進曰察聲不轉查然而在即察也改查為察可乎曰不可老子曰其政察察亦惟察名不可居故以在字隱察名而轉聲為查若改察仍察察也然則查可乎曰可曰

此則僕之所未聞也夫字必有義查字無察義而有在聲使徒以聲同之故而不顧其義則道可盜也曰道固不可盜而在則可查不觀在又為裁乎在之為裁察義同也然而裁之又為財則無義矣裁可財則在可查矣裁之為纔僅義同也然而纔之又為才則無義矣才可纔則查可察矣高陽憫然謝而起其後三相錄試卷糊名然終不用益都相公薦于廷

欽定四庫全書

西河集
卷八十五

十三

上曰有著乎曰有曰何著曰資治文字資治文字何謂耶曰字書也旁一相曰字書小學耳遂罷既而益都擬再薦不得君曰小貞吉吾向不為大而為小此屯也然而吉矣吾幸得歸矣初君到京時益都相公欲館君于邸會邸客將滿中有一客鄉人也作字補一書內有麟字註曰水雲角麟遂音妻而入角部中或以問君君曰呂覽曰水雲魚鱗未聞角麟也客大恨遂沮之至是欲再薦則同舍者再沮之君歸而逍遙仍與夫人相對坐戀花觀書越十年庚午七月七日微疾卒子東女昭華